



Khantanhohi Tangkou

Constituent Member Church of ELCITHS | Regd.No.101 of 1987 Govt.of Manipur.

Regd.No.194160073 with Ministry of Home Affairs, Govt.of India | melcindia.wordpress.com

September 27, 2009

Vol.No. I | Issue No. I

Motto: Na totna tantan na gem ahi ding hi. Joshua 1: 3

Secretary Report

MELC Delhi in Pasian gam nasepna ah ma sawn jel

- Tv. Bruce K. Thangkhal,
Secretary, MELC Delhi

Eite chinglou ikisah lai a ching hingsa, ba ikisah lai a hing domkaang I bieh Pasian min ngainou toh MELC mi-le-sa jousie MLEC Delhi ten chibai ka hing bu uhi. Na kipatna neunou hinanleh a tawpna ah lienpi na hi ding chi ahima bang in Delhi i hattuom zong bangma lou apat kipan hinanlei Pasian panpina leh pawlpi mite thumpina jal in report thei ding meng nounou um thei ahiman in avel vel in Pasian min i phat ahi.

Delhi Hattuom dung-le-vai

Delhi a i hattuom ahileh state thum tah kigawm ahiman in nita khat a totsuo chipen manglam bang hi. Tualeh sun hun a bielfang chipen apieng kilkel lou ahi. Biel fang ding a kuon hun hoipen ahileh janlam nai 10 zaw chieng ahipan valuoi hi. Delhi, Gurgaon (Haryana) leh Noida (UP) lah ah i pawlpi mite um hi. Khen khat a ding in MELC Delhi Biehinn umna pen Imphal leh Lamka bang a gamla ahi. Akoi akoi adin kikhop pen tup tahtah a ngai hi. Tu-le-tu in jingmawng nai 11 in NTBC Delhi te kikhopna ah kikhopna ki nei a, tuo zong a lap joulou adimpi'n ki um nalai hi. Innlam bang hileh jingmawng nai 6 a devotion i kai toh ki bang hi.



Pasian lungsiatna toh Gurgaon leh Saket (Delhi) area sung Pastor Lalpu leh Secretarypu Bruce K. Thangkhal ten August ha sung in imi-le-sate home-visit nei thei uhi. Tuonah International Global Family ah Pasian nasem Tv. Khaialmuon s/o MK Thanga in a office uh car toh apoimaw bang a ana taipu kawikawi man in a tungah lungdam thu i puo hi.

Pastor Quarter leh Hattuom van

Hattuom leh mimal khat-le-ni kiphalna jieh in hattuom vanjah ding tampi kinei thei ta hi. Pasian adia mi kiphala khenkate'n tumbang ahing tuodoh uhi: Nh. Naomi Haumuonching in Communion Wine hawmna set khat, Tv. Khuplianlam, Nh. Julie Dimthuamching leh Tv. Doulienmang ten Yamaha Hollow Guitar leh Symbal ahoi a hoi khat, Nh. Dimngaiching leh Nh. Vungneinieng ten Pastor quarter adi Steel Almirah khat, tualeh Pastor quarter a zah ding mimal kiphala ten nget sese ngailou in apoimaw bang hing tuokhawm valiei uhi. Tuchieng in ahileh i Pastor quarter ki ningching tah in um ta hi. Mangpa'n amaute a tamjaw sem in guolzawl ta hen.

Pastor nasep dan tomkim

Koi hattuom, chi-le-nam, be-le-phung, ham-le-pau, khentuom-paituom neilou in a tot zawhna tantan a tuon suo mai a, Pasian min a maitam luina leh Pasian thu a houlim na neipi hi. Eimi damlou hospital a umte vehna nei in, Pasian kungah thumsahna zong nei hi. Pastoral Counselling poimawte counseling pie in Baptisma zong pie hi. Ei hattuom kikhopna ah Mangpa Annsiang nih vei hawm in

um ta hi. Moulupna leh shi-sunna ah zong hanthawn thugenna apoimaw bang in nei hi. Hattuom dangte toh relationship siem in hattuom dangte ngainatna kitang hi. Pasian nasem, Siampite (Pastors) leh mi nauta'ng toh kipawl dan siem a, biehinn kai siel in hattuom dangte zong hing kikhom um zing hi.

Sunday chin in meltha pulahna tutan tat nailou a, member dia min pelut zong khawl tuanlou hi. Pastorpa biel vehna/home visit nate expensive mama chi kitheipi a hinanleh kipanpi zou tadilou hi. Pasian min toh kalsuon kenkan a, a hatzaw semna ding i thumpi uh poimaw hi.

Bible Society of India, New Delhi in 29th August 2009 leh September 26, 2009 ni'n Bible House ah 'North-East Churches Leader's Fellowship-Delhi' nei hi. Tuonah i pawlpi

min in Pastorpa leh Secretarypu va pang uhi. Tami Fellowship ah 'India gamsung a Gospel tangthupha zakha nailoute'n a za theina dia north-east hattuomte pan la ding dan' chi kikumna nei uhi. Delhi khopi a north-east hattuom lamkai te toh tumbang a kikap khomna pen amasapen ahi chi'n Pu Richard G. Khan, Auxiliary Secretary, BSI New Delhi in gen hi.

ELWA: I hattuom a ELWA lam toh kisaite Nh. Naomi Haumuonching leh Nh. Julie Dimthuamching in mopuohna la uhi. Nasep ding tahpi umnai sih nanleh a bawl thei kham kham uh ELWA Golden Jubilee a ding chin pan nasatah la ua, sum donna nei zing uhi.

Kikhopna toh kisai

I pawlpi kiphu a pat tatlou a i kikhopna 'inn' neitu Pa Zamlunmang, Chaiman, MELCD a kipie zouna tungah hattuom min in lungdamthu tunlou theilou ihi sih uhi. Pasian in ama leh a inkuante guolzawl tou zel ta hen chi i thumna uh ahi.

July 26, 2009 (Sunday) apat NTBCA biehinn ah ei hattuom dah 11:00 AM-1:00 PM kikhala kikhom thei ta hi. Tami ni'n College/University kai laite, Civil Service exam ding te, Private Company a nasemte leh sep ding sui laite adi'n Pasian min in Maitam kidaw a, Pastorpa'n thumna neisah hi. NTBCA pawlpi tungah zong lungdam huoi hi.

I umna chiat uah tatlou in khat-le-khat kithumpi chiat va ui. Pasian in MELC guolzawl zing ta hen/. Amen! (Gospel Tangkou adia kisun)

Guest Editorial

Persevere in doing what is right



- Haumuanching

Due to the outbreak of Swine flu, I was posted in IGI airport as the health care team to screen all passengers for any suspected cases this days, and in-between flights there's nothing really to do so lots and lots of thoughts/ngaituana runs through my mind. I was talking and at the same time asking to myself yesterday "WHY, WHEN WE ALL KNOW THAT IT IS GOOD TO DO SOMETHING GOOD/RIGHT and also ONE FELL SO GOOD WHEN WE DO THAT, but WHY CAN'T WE LAST LONG or can't CARRY ON for LONG?"

We see in the BIBLE too in Gal.6:9-10,"LET US NOT BECOME WEARY IN DOING GOOD, FOR AT THE PROPER TIME WE WILL REAP A HERVAST IF WE DO NOT GIVE UP. THEREFORE, AS WE HAVE OPPORTUNITY, LET US DO GOOD TO ALL PEOPLE, ESPICALLY TO THOSE WHO BELONG TO THE BELIEVERS.

Aleh ei ginna leh tahsa leh sisan a pumkhat bang dia ki-el ngatsan ve vaw I diei chi vel ka gel gel leh tang thu khat ka lung sim ah ang ki lang a hoi kasa mama hi, here the story goes.....

"Once there was a politician who did the best job he could for his people, but, being human he made mistakes and was criticized, and reporters repeated errors of fact about him in the paper over and again. Then he became so upset that he drove out into the country to visit his dear friend, a farmer. "What am I going to do?" The politician cried. "I've tried so hard nobody has tried harder than I have to do more good for more people and look how they criticize me!"

But the old farmer could hardly hear the complaint of his persecuted politician friend because his hound dog was barking at the shining moon .The farmer rebuked his dog but the dog kept barking. Finally the farmer said to the politician," Do you want to know how you should handle your unfair critics? Here's how. Listen to that dog. Now, look at that moon and remember that PEOPLE WILL KEEEP YELLING AT YOU – they'll NIP at your heels and they'll criticize you. But here's the lesson.

FAITH PROMISE (SEPT & OCT 2009)

- 01. David Kamlunmang - Rs. 50
- 02. Paulunsei - Rs. 50
- 03. Nu Vungboi - Rs. 200
- 04. Zamlunthang - Rs. 200
- 05. Pricila Hoipi - Rs. 200
- 05. P. Thangboi - Rs. 50
- 06. Naomi Haumuanching - Rs. 500
- 07. Julie Dimthuangching - Rs. 500
- 08. Neilam - Rs. 50
- 09. Pa T. Zamlunmang - Rs. 1000
- 10. Nu Niengzadim - Rs. 50
- 11. M. Pauzalun - Rs. 50
- 12. Nianghaunuum - Rs. 100
- 13. Dimngaiching - Rs. 500
- 14. Jerry Thangminlian - Rs. 50
- 15. T. Khuplianlam - Rs. 2000
- 16. Pastor Kamsuanlal - Rs. 100
- 17. Bruce K. Thangkhal - Rs. 100
- 18. T. Khamsianpau - Rs. 100
- 19. Pa Ginsanglian Samte - Rs. 200

Tam Faith Promise toh kisai a nang zong na pieh nuom leh Finance pu Khuplianlam kunga theisah ding in iki ngen uhi.

HATTUOM VAN TUOTE

† Daryaganj a um Pa LK Samte te'n Pulpi tuo ding.

† Nh.Vungneinieng leh Nh. Dimngaiching ten Pastor quater a din Steel Almirah 1.

† Nh.Naomi Haumuanching in Holy Communion Wine set.

† Nh.Hahat Mate, Bersarai in Pastor quater adin plate 3.

† Nu Vungneiching, Vasant Vihar in Mattress 1.

† Nu Nuamzavung in tuivot bawm 1.

† Nh. Hoineu Haokip in tangkhap 1 leh bed-sheet 1.

† Nh. Cicily Zou in Table 1.

† Nu Irene Tungnung in tub 1, phe 1, steel tui filter 1 leh Pastor quarter bahara Rs. 1000 ha teng in.

† Nh Dimngaiching in carpet 1.

† Tv. Bruce & Sister ten puonkhaina set 1.

† Nh.Rebeca Chichin Vaiphei in tuithawl set 1.

† Tv. Kapkhenlam @ T. Karaiba in Brite 1, bucket 1, gas stove 1 leh cylinder 1.

THU TUAM TUAM

†† Zou sunga hattuom um teng ki gawm a kisun Holy Bible honna MELC Day September 15 nin MELC HQ Church Zomi COLony ah nei in umta. Ei MELC Delhi in zong bu 50 booking kibawl, Delhi a angpuo tungsah ding a um um chiengin Finance pu Khuplianlam kungah bu khat ah Rs. 150 in leithei ding hi.

†† October ha sung in ELWA Secretary Nu Mawinieng in Chennai pha dinga, tuazaw chiengin MELC Delhi belum noute vehna hing nei ding. Noida, Gurgaon leh Biehin ah kikhopna ki nei pi ding.

†† South Korea Soongeu Church a local Pastor nasem a um den i Pastor Kapkhanhau in October 13 chiengin Delhi tuolpi hing pha ding, tua hun chiengin eilah ah zong thugenna nei ding.

†† Zou Lathabu ki sun tha pen October 23 chiengin MELC HQ Church Zomi Colony ah honna um kia ding.

†† MELC Delhi sunga ding in Missionary Box hing ki hawm pai ding hita. Tualeh Areawise a mawpuohna hing lasah ding mifel leh taima ki pimaw zing. Ang ki guotkha a ahileh thanuom tah a sem chiet ding in iki ngen hi.

†† Pastor pa'n October 20 apat November 14 tan inlam pei ding in sutu la ding.

†† Dr. David Vumlallian in Delhi University a History Faculty nuoi ah lecturer post sepna muta. Official calling letter ngah in um.

Theisahna

News a suodi, article, testimony leh adang dang na nei leh bang chilai pou a type sa pie thei zing ahi. A thotna ding mun melcdelhi@gmail.com.